

靈寶淨明新修九老神印伏魔秘法序 身元

其真壇訓演教師何守世撰

三洞真經列聖所寶秘於上宮約以科禁  
自非天地一開其文不出有過之者皆金  
名玉守夙著仙譜之人也魯惟

上清伏魔印章靈錄形神秘法乃

九老帝君龍漢劫初親得元尊之旨下教  
學仙之士實為靈寶之樞要歷古以來成  
功證為列真者未易詳述昔

高明大使許君受法於道君湛姆大仙吏

隱東晉攝邪誅恠標江呪水以拯生民之  
災病積功累德而後舉全家於寶漢者遠  
諸弟子繼踵仙去雖嗣法者代不乏人然  
文字傳習之久例多謬誤無以取證炎宋

中興歲在作噩六真降神於偷儿出示靈  
寶淨明秘法化民以忠孝廉慎之教乃命

洞神仙卿為訓導學者師越二年秋八月

高明大使親歛臨于遊惟故地即今之江  
西玉隆萬壽宮也於是肇建仙壇名曰翼

真以延善知識凡經典疑難悉聽扣問時

新學九老法弟子因其書請益為果蒙

真慈發明道要說氣鏡神印二篇謹諸闕  
誤繼委門人悉以符呪訣法釐正之書成  
以呈

真鑒賜可又命何守世存具重修之意以

久其傳守證自愧肉質地行聞見隘塞有  
何補於宗教然誤蒙

真師收錄充靈壇下弟子今已三年矣謹

直存其事於篇首願唯龍沙已合五陵之  
內應地仙者八百人而師出於豫章此言

載於方冊今黃重白叟皆熟誦之信不誣

也凡游於

真師之門得此法者宜精進焉時紹興辛

亥歲重陽日謹存

靈寶淨明新修九老神印伏魔秘法

洞神抄注奉

真旨編修

洞神節錄奉

真旨同修

太元判令奉

真旨校勘

九老帝君神印總論

丹陽子曰道本炁也合炁以為體散炁以為  
用大道炁之溟漠也生乎天地之先散乎有  
无之表宇因炁而結文因炁而成形因炁而

聚聲因炁而含道本炁也上士以炁合道故

不暴其炁炁止於一一者真一神合於心心  
與神交神由炁合磁石吸鐵翡翠碎金者性

也性一合道道果炁也夫以真精精者一也

一者道也以真精故召正炁以合道故成大

仙仙鍊精合炁以炁合道神景淨明不役外  
物陽燧向日火隨而生方諸感月水旋而至

水火自然之炁也道合自然得陰陽之正通  
陰陽之中純朴不散精粹无雜所以日有光